

**Imaani avatangiisit illersorneqarnissaat pillugu
inatsisartut peqqussutaata allanngortinneqarneranik
Inatsisartut peqqussutaat (Aalisakkat nassuiaatitaasa
allanngortinneqarnerat, umiarsuarnit tunitsiviusunit
tunisassiorfiusunillu aalisakkanik eqqaasarneq pillugu
malittarisassiornissamut tunngavissiineq kiisalu
aalajangersakkanik atorunnaarsitsilluni Imaani
angalanermi isumannaallisaanissaq pillugu
Inatsimmut nuussineq)**

§ 1

Imaani avatangiisit illersorneqarnissaat pillugu Inatsisartut peqqussutaanni nr. 4-mi, 3. november 1994-imeersumi inatsisartut peqqussutaatigut nr. 3-kkut, 6. juni 1997-imeersukkut allanngortinneqartumi makku allannguutigittinneqassapput:

1. § 4-mi imm. 3-p kingorna nutaatut ikkunneqassaaq:

"Imm. 4 "aalisakkat" peqqussummi matumani tassaatinneqassapput aalisakkat suulluunniit, peqqukkut, qituttut, tinumasumik amillit, pullangasumik amillit, aamma siuteqqut imarmiut."

2. §§ 9, 11 aamma 12 atorunnaarput.

3. § 17-imi imm. 1-ip kingorna nutaatut ikkunneqassaaq:

"Imm. 2. Naalakkersuisut umiarsuarnit tunitsiviusunit tunisassiorfiusunillu aalisakkanik nutaanik taakkuluunniit ilaannik igitsineq pillugu malittarisassiorsinnaapput."

4. § 27, imm. 3 ima oqaasertaqassaaq:

"Imm. 3. Imm. 1-imi 2-milu taaneqartut uuliamik akoorutissanillu mingutitsinermik akiuiniarnermut, imartami suliaqarnernut atatillugu pisunut, Kalaallit Nunaanni atortussiassat aatsitassanit pisut pillugit inatsimmi (atortussiassalerinermik inatsit) ilaasut atuutinnigillat. Pisuni taamaattuni aalajangersakkat naleqquttut, atortussiassalerinermut inatsit naapertorlugu aalajangersarneqartut malinneqassapput."

5. § 28 atorunnaarpoq.

6. § 37, imm. 1 atorunnaarpoq.

Imm. 2 taamaalilluni imm. 1-inngorpoq.

7. § 41, imm. 1, nr. 1-imi, "§ 9, imm. 1 aamma 3" atorunnaarput.

8. § 41, imm. 1, nr. 2-mi, "§ 11" atorunnaarpoq.

9. § 43-mi "§ 9, imm. 2," aamma "§ 12, imm. 2," aamma "§ 28, imm. 2," atorunnaarput.

10. § 44, imm. 1 ima oqaasertaqassaaq:

"§44. Inatsisartut peqqussutaanni matumani aalajangersakkanik aamma inatsisartut peqqussutaat naapertorlugu aalajangersakkanik atuutilersinneqartunik unioqqutitsisoqartillugu Kalaallit Nunaanni eqqartuussisarneq pillugu inatsimmi misissueqqissaarneq pillugu maleruagassat malillugit uppersaatinik ujaasinerit pisinnaapput."

§ 2

Inatsisartut peqqussutaat 1. august 2004-mi atuutilerpoq.

Namminersornerullutik Oqartussat, ulloq 21. maj 2004.

Hans Enoksen

/

Jens Napātôk'

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut